

آبونه شرائطی

داخلی ، خارجی هریر ایچون
سنه لکی (۲۰۰) ، آلتی آیلنی
(۱۲۰) غروشدور.

[نسخه سی ۵ غروش ،
سنه لکی ۵۲ نسخه در .]

اداره خانه

باب عالی جاده سنده دائره مخصوصه

اخطارات

آبونه بدلی پشیندر

مسئله موافق آثار مع الممنونیه
قبول اولنور . درج ایدله
یازیلر اعاده اولونماز .

الکلیت

تیمیر ۱۳۳۹

اخطارات

آدرس تبدیلنده آیریمجه بش
غروش کوندربلیدر .

مکوبلرک امضالری واضح
وارفوناقلی اولسی و آبونه صره
۲ مسروسی محتوی بولنسی لازمدر .

ممالک اجنبیه ایچون آبونه
اولانلریزک آدرسارینک فرالسر
جده یازلسی رجا اولنور

پاره کوندربلیدیکی زمان نه به دائر
اولدینک واضحاً بیلدیرلسی رجا
اولنور .

دینی ، فلسفی ، علمی ، ادبی هفته ای مجموعه اسلامی در

اتبعون اهدکم سبیل الرشاد

صاحب و مدیر مسئول
اشرف ادیب

باس محرر
محمد عاکف

والله یهدی من یشاء الی صراط مستقیم

جلد ۱۵

۱۲ ایلول ۱۳۳۴

پنجشنبه

۶ ذی الحجه ۱۳۳۶

عدد : ۳۶۹

کندیسنک ناصیل بر محیط ایچنده ، ناصیل یتیشمش اولدیغنه دأر معلومات کافیه الله ایدلادکن باشقه علمی ، تاریخی ، ادبی برچوق حقائق دها کورولورکه هیچ برصاحب تابع ایچون بولردن مستغنی اولق امکانی یوقدر ، دینسه مبالغه ایدلش اولماز .

اسماعیل حق بک مرحومک اختصاصی حقوق اسلامییه تشکیل ایدن فقه ایله بزم حکمت حقوقمز دیمک اولان اصول فقهده اولقله برابر علوم شرقیه نک هیچ برینی اهامل ایتش دکلدی . آثارینی مطالعه ایدنلر غریبک علمای حقوقی طرفدن میدان کتیریلن مؤلفاتی ده نه جدی بر صورتده تتبع ایتش اولدیغنی کورورلر .

ادبیات عثمانیه یی بک ایی بیلیر ؛ عرب ، عجم ادبیاننده احاطه کامله سی واردی . حیاتنک صوک سنه لرینی کتاب الله تخصیص ایتشدی . «نجائب قرآنیه» نامی آتنده جمع ایتش اولدیغنی آیات کریمه نک آتنده کی تشریحات حقیقه بک قیمتداردر .

اسماعیل حق بک «نجائب قرآنیه» دن صوکره کتاب اللهک ایلک جزئی غایت اطرافنی بر صورتده تفسیر ایدرک «انوار قرآن» عنوانی آتنده نشر ایشدرکه مرحومک اقصای آمالی بوتفسیری اکال ایلکدن باشقه برشی دکلدی .

مرحومک اسلوب تحریری کندیسنه خاص برمنقحی ، کندیسنه خاص برحلاوتی حائزیدی . جدیات ایله یورولان دماغنی دیکلندیرمک ایچون آره صیره شعرده سولردی . معافیله اشعارینک موضوعی ده کاملاً الهیات ، علویات ، اخلاقیات ایدی .

مرحومک عرفانی اخلاقه ، اخلاقی عرفانه فائق ایدی . آثارینی او قویانلرله کندیسنی یاقیندن طانیانلر بو حقیقتی تسلیم ایدر . هیچ شبهه یوقدزکه معصوم اوله رق کلدیکی بودنیادن معصوم اوله رق کتیدی . اسماعیل حق نک آره مزدن چکیلیمسیله عالم اسلام اک خیرلی اولادندن برینی دها غائب ایتش اولدی .

برایکی هفته اول ابدی ضیاعنی بیلدیردیکمز هر سیک مفتیسی علامه پیدانی علی فهمی افندی کبی ، بوکون کندیسندن ابدیاً محروم قالدیغمز اسماعیل حق بک کبی نوادر فضیلتک آرقه لرند براققلری مدھش بوشلنی طولدوره بیله جک مزیتده وجودلر بولنسه بیدی بلکه تأثیرمزی تعدیل ایده بیلیردک . لکن ، هیهات ! کونلر کچدکجه براز دها عقیمله شن آفاق اسلام بوارواح زکیه وعالیه یی بوندن صوکره نصل طوغوره جق بیلیم !

خایر ، خایر ! بزم بویاسی ویرن مصاب اولدیغمز ضیاعک بویوکلکیدر ؛ یوقسه علی فهمی لر ، اسماعیل حق لر خاک مغفرتده یاندقجه البته امت اسلامیهدن خیر منقطع اولمایه جق ، البته اونلرک فطرتده ، اونلرک اخلاق وفضیلتده برچوق نادرلر دها یتیشه جکدر .

الله الفاتحه

ماده : ۴ : ماحق تکیه لک یوقلمه علم و خبرلری مرکز لده حفظ ایدیلرک سنه ده برکره عمومی و مصدق بر یوقلمه جدولی مرکز شیخلری طرفدن مجلس مشایخه ویریه جکدر .

ماده : ۵ : مرکز لده هفته ده برر ساعت عرفای امتدن بررذات طرفدن طرق علیه نک غایات و مقاصد عالیله سیله اخلاق فاضله اسلامییه دأر عموم ایچون عصری موعظه دینیله ایفاسنه اهتمام ایدیلر جکدر .
ماده : ۶ : هر منطقه داخلنده کی تکایا مشایخ درویشانک اتحادینه خدمت و میانه لرنده کی اخوت دینیله نک تأییدینه غیرت و همت مرکز شیخلرینک جله وظائفنددر .

ماده : ۷ : تکایا مشایخندن دوار دولته لده لایالجاب طلب اولنان علم و خبرلر اولا مرکز لرندن وبعده مجلس مشایخ طرفدن تصدیق اولنور .

ماده : ۸ : مرکز شیخلری مناسب برذاتی توکیل ایدرک مجلس مشایخدن مأذون اولدقجه اوزون مدت غیوبت ایده مزلر .

مادر : ۹ : مرکز شیخلری هر آی منطقه لرینک شئونات عمومیه سنه دأر علاوه مطالعات ایله مجلس مشایخه برر اهور ویریه جکار ولدی الایجاب یکدیگر لر یله بالمشاوره مسالک جلیله صوفیه نک احیاء و اعلاسی خصوصنده نتیجه مطالعه لرینی مجلس مشایخه بیلدیره حکلردر .

۱۸ آغستوس ۱۳۳۴

عظیم برضیاع

افاضل امتدن برکت زاده اسماعیل حق بک افندی حضر تلرینک ارتحالی سیدالرشادی بک محترم ، بک قیمتلی بررکشدن محروم براقدی . مرحوم مشارالیه مشهور حافظ شوکتک یتیشدیردیکی نوادر فضیلتدن بریدرکه مناسرتلی مرحومده کندیسنک شریکیدر .

اسماعیل حق بک جامع لده معتاد اولان آلی ، عالی ، عقلی ، نقلی علومک کافه سی جدی برصورتده تحصیل ایتدکن و اقرا ن عرفانی آره سنده کندیسنه بر موقع مستثنی تأمین ایلدکن صوکره مسالک تحریریه دوکولدی . مرحوم کرک یازیلرنده کی قدرت علمیه و قابلیت ادبیله سیله ، کرک ذاتنده کی فضائل اخلاقیه سیله درحال نامق کالک نظر التفاتی جلب ایدرک ادیب معظمک یاران فضیلتی آره سنه کیردی .

براز صوکره اختیار ایتش اولدیغنی مسالکده دها ای خدمت ایدم بیلیمک ایچون غرب لسانلرندن برینه وقوف لزومی حس ایدرک فرانسیزجه ، چالیشمایه باشلادی و بولسانی اختصاصنه طاند آثاری قولایجه مطالعه ایده بیله جک درجه ده اوکرندی .

مرحومک بک مهم بر اثری اولان «یاد ماضی» مطالعه اولنورسه